



Møtebok for Utval for levekår

Møtedato: 04.09.2018
Møtestad: Formannskapssalen
Møtetid: 09.00 - 14.30

Møtet vart styrt av leiar Sølvi Knudsen, SP.

Medlemmene var innkalla i skriv dat. 27.08.18 og møtet var kunngjort i pressa 20.06.18.

Utval for levekår var på besøk hos Læringsverkstedet Flatøy barnehage.

Møtedeltakarar	Parti	Rolle
Sølvi Norunn Knudsen	SP	Utvalsleiar
Kjersti Vikebø Nesse	AP	Medlem
Tom Inge Karlsen	AP	Medlem
Øystein Berland Blom	H	Medlem
Ørjan Evald Kristiansen	Uavh	Medlem
Leif Johnsen	MDG	Medlem
Torstein Flatøy	KRF	Varamedlem
Marthe Aadland	H	Varamedlem
Charles Lindberg	Uavh	Varamedlem

Forfall meldt frå følgjande medl.	Parti
Beate Seveline Eknes	Uavh
Stian Lavik	KRF
Thomas H. Wallem	H

Desse møtte frå administrasjonen: Rådgjevar pleie og omsorg Helge Kvam.

Helsesjef Tord Moltumyr møtte til sak 34/18, 35/18 og 36/18. Leiar Meland sjukeheim Randi Minde møtte til sak 37/18. Skulefagleg rådgjevar Reidun E. Johannessen møtte til sak ,38/18, 39/18 og 40/18. Prosjektleiar Anette Hesjedal møtte til sak 40/18.

Protokollfører: Helge Kvam

Utval for levekår
07.09.18

Sølvi Knudsen
leiar

Randi Hilland
konsulent

Sakliste

Saknr	Tittel
31/2018	Godkjenning av innkalling og sakliste
32/2018	Godkjenning av møtebok
33/2018	Referatsaker
34/2018	Høyering - Nasjonal beredskapsplan mot smittsomme sjukdomar
35/2018	Høyering - Samferdselsdepartementet - uttale om obduksjon av trafikkdrepte
36/2018	Høyering - Endring i dødsårsakforskriften
37/2018	Orientering Meland sjukeheim
38/2018	Retningslinjer for behandling av søknad om skuletilhør etter opplæringslova § 8-1
39/2018	MOT sitt program "Robust ungdom"
40/2018	Orientering om prosjektet "Trygt og godt skule- og oppvekstmiljø"
41/2018	Aktuelle saker

Sakspapir

Saksbehandlar	Arkiv	ArkivsakID
Randi Helene Hilland	FE - 033	18/1823

Saksnr	Utvalg	Type	Dato
31/2018	Utval for levekår	PS	04.09.2018

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Utval for levekår - 31/2018

ULK - behandling:

ULK - samrøystes vedtak:

Innkalling og sakliste vert godkjent.

Sakspapir

Saksbehandlar	Arkiv	ArkivsakID
Randi Helene Hilland	FE - 033	18/1823

Saksnr	Utvalg	Type	Dato
32/2018	Utval for levekår	PS	04.09.2018

Godkjenning av møteprotokoll

Vedlegg:

Protokoll - Utval for levekår - 22.05.2018

Saksopplysningar:

Framlegg til vedtak:

Møteprotokoll frå møte 22.05.18 vert godkjent.

Utval for levekår - 32/2018

ULK - behandling:

ULK - samrøystes vedtak:

Møteprotokoll frå møte 22.05.18 vert godkjent.

Sakspapir

Saksbehandlar	Arkiv	ArkivsakID
Randi Helene Hilland	FE - 033	18/1823

Saksnr	Utvalg	Type	Dato
33/2018	Utval for levekår	PS	04.09.2018

Referatsaker

Underliggende saker:

Saksnummer	Tittel
33/2018.1	Ny rapport om ungdom i din kommune
33/2018.2	Referat fra Nasjonal legemiddelberedskapskomite 05.06.18
33/2018.3	Referat frå SU på Vestbygd skule
33/2018.4	Referat SU/SMU møte 13.06.2018
33/2018.5	Tilskot i 2018 frå kapittel 765 post 60 - tilbod til menneske med langvarige og/eller samansette behov for tenester

Saksopplysningar:

Framlegg til vedtak:

Meldingane vert tekne til orientering.

Utval for levekår - 33/2018

ULK - behandling:

Skriv nr 1 vart referert.

Framlegg til vedtak i møte:

Utval for levekår ber om at rapport om ungdom vert meldt til formannskap og kommunestyre.

Dette framlegget vart samrøystes vedteke.

Framlegg til vedtak skriv nr. 1 frå Øystein Blom, H:

I samordning med prosjektet "Trygt og godt skule- og oppvekstmiljø" og i samsvar med funn i rapport om korleis ungdommane i vår region har det foreslås følgjande handlingar:

ULK ber rådmannen vurdere økonomisk familierådgeving via barnevernet i Meland.

ULK ber rådmannen vurdere å innføre skulefrukost på ungdomstrinnet i Meland.

ULK ber rådmannen om å innføre auka fokus på effekten av høg skjermbruk. Dette ved å nytta grunnskulen i Meland der området allereie er forankra i den generelle læreplanen i kunnskapsløftet.

Framlegg til vedtak frå Sølvi Knudsen, SP:

Utval for levekår har merka seg utfordringane som kjem fram i rapporten:

Einsemd

Trivsel i skule

Familieøkonomi

Bruk av skulehelsetenesta

Avrøysting:

Framlegget frå Øystein Blom fekk 3 røyster for, (2 H, 1 Uavh), 6 røyster mot, og fall.

Framlegget frå Sølvi Knudsen fekk 6 røyster for, (1 SP, 1 KrF, 2 AP, 1 MDG, 1 Uavh), 3 røyster mot, og er såleis vedteke.

Helsesjef Tord Moltumyr refererte skriv nr. 2 og orienterte om status i arbeidet.

ULK - vedtak:

Meldingane vert tekne til orientering.

Utval for levekår har merka seg utfordringane som kjem fram i rapporten:

Einsemd

Trivsel i skule

Familieøkonomi

Bruk av skulehelsetenesta

Sakspapir

Saksbehandlar	Arkiv	ArkivsakID
Tord Moltumyr	FE - 000, TI - &13	18/2002

Saksnr	Utvalg	Type	Dato
34/2018	Utval for levekår	PS	04.09.2018

Høyring - Nasjonal beredskapsplan mot smittsomme sjukdomar

Vedlegg:

Høring - Nasjonal beredskapsplan mot utbrudd av alvorlige smittsomme sykdommer
Nasjonal beredskapsplan
Mandat for kriseutvalget

Saksopplysningar:

Bakgrunn

Helse- og Omsorgsdepartemenet (HOD) har sendt på høyring ein nasjonal beredskapsplan mot smittsomme sjukdomar, og mandat og sammensetning av kriseutvalg for beredskap mot biologiske hendelser mv. Høyringsfrist 24.09.18. Rådmannen og kommuneoverlege har hatt dialog om saka og kjem med framlegg til høyringsuttale frå Meland kommune. Planen gir eit oversyn over aktuelt lovverk og ansvarstilhøve knytt til dei aktuelle hendingane.

Vurdering

Administrasjonen meiner at kommunane må vere representert når det gjeld mandat og samansetning i det nasjonale kriseutvalet. Slik framlegget ligg i dag er utvalet samansett berre av statlege etatar. I kriseutvalet sitt oppdrag ligg ei rekke oppgåver knytt til smittevern, som i stor grad er eit kommunalt ansvar etter smittevernlova. Fleire andre oppgåver, som t.d. informasjon og kommunikasjonsstrategi til befolkninga er og i stor grad eit kommunalt ansvar, heimla i fleire lovverk. Kommunane sit på viktig kompetanse i beredskapsarbeid og erfaringar frå operativt arbeid i krisesituasjonar. Kommunal representasjon vil styrke utvalet sin kompetanse og legitimitet.

KS bør få i oppdag å utpeike representantar og vararepresentantar frå minst to kommunar. Dette må vere personar med erfaring frå leiing og frå kommunalt beredskapsarbeid.

Folkehelse: ligg i saka

Miljø: ikkje relevant

Økonomi: ikkje relevant

Framlegg til vedtak:

Utval for levekår slutter seg til høyringsuttalen slik det framgår av saksutgreiinga.

Utval for levekår - 34/2018

ULK - behandling:

Helsesjef Tord Moltumyr orienterte.

ULK – samrøystes vedtak:

Utval for levekår slutter seg til høyringsuttalen slik det framgår av saksutgreiinga.

Sakspapir

Saksbehandlar	Arkiv	ArkivsakID
Tord Moltumyr	FE - 000, TI - &13	18/2001

Saksnr	Utvalg	Type	Dato
35/2018	Utval for levekår	PS	04.09.2018

Høyring - Samferdselsdepartementet - uttale om obduksjon av trafikkdrepne

Vedlegg:

Høring av rapport fra arbeidsgruppe om forslag til rettsmedisinsk obduksjon av alle trafikkdrepne m.m.

Rapport fra arbeidsgruppe2018(1568917)

Saksopplysningar:

Bakgrunn

Samferdselsdepartementet har sendt på høyring rapport frå arbeidsgruppe som tilrår obduksjon av trafikkdrepne. Kommunehelsetenesta er tiltenkt nokre oppgåver i samband med gransking etter dødsulukker. Kommunen vil i den samanheng påpeike behov for nokre avklaringar.

Meland kommune stiller seg i hovudsak bak arbeidsgruppa sine framlegg om rettsmedisinsk obduksjon av alle trafikkdrepne. Vidare at det kan vere naudsynt å endre helsepersonellova slik at helsepersonell har plikt til å utlevere helseopplysningar til legar i Statens vegvesen si ulukkesanalysegruppe (UAG).

Arbeidsgruppa legg til grunn at eit formål med innhenting av helseopplysningar er å vurdere den omkomnes helsetilstand. Kap. 11.3.3 skildrar kva opplysningar som kan vere aktuelle:

- begrensede opplysningar fra fastlegen som gir informasjon om aktuelle forhold,
- opplysningar om forhold knyttet til rusmisbruk mm,
- journaler fra sykehus i forbindelse med behandling etter ulykker,
- informasjon fra lege som har utstedt attest i forbindelse med utstedelse/fornyelse av førerkort,
- ambulansetjenestens aksjonslogg (AMIS rapport).

Kommunen vil påpeike følgjande til kulepunkt 1 og 2:

Innhenting av opplysningar frå fastlege:

Det kan vere fornuftig å innhente avgrensa opplysningar frå fastlegen. Imidlertid er fastlegen sin journal skreve for eit anna formål, nemlig forløpande helsehjelp. Fastlegen sit ofte med informasjon som ikkje er tydeleg journalført. Det kan vere sosiale og familiære tilhøve som berre er notert i dei samanhengar det er relevant for pasientbehandlinga, eller ført i andre personars journalar. Vidare nyttar fastlegane gjerne forkortingar og «stammespråk» som må fortolkast gjennom lokal kunnskap

og kontekst. Det kan oppstå utfordringar og mistydingar hjå anna helsepersonell som seinare les eit uredigert materiale.

Andre helseaktørar vil og kunne sitte på verdifull informasjon, t.d. vil dei kommunale helsestasjonane kunne ha relevant helseinformasjon hjå personar under 20 år. Andre kommunale helsetenester innan rusvern, psykisk helse og heimesjukepleie vil og kunne ha relevante helseopplysningar som ikkje er journalført hjå fastlegen. Arbeidsgruppa har ikkje drøfta korleis slik informasjon skal kunne innhentast. Det kan og ha vore byte av fastlege, med resultat at siste fastlege har ufullstendige journalopplysningar.

Dersom fastlegen skal avgi avgrensa opplysningar, vil det krevje eit arbeid med gjennomlesing og redigering av pasientjournalen. Dette vil vere å rekne som eit sakkundig arbeid. Fastlegane sine oppdragsgjevarar er den einskilte kommune. Fastlegane har ikkje noko ansvar for etterarbeid for døde listepasientar, og Helfo har ingen takstar som vil finansiere eit slikt arbeid. For å unngå uklarheter rundt mandat og finansiering for sakkundige oppdrag bør dette avklarast i arbeidet med lovframlegget. På same måten som dei rettsmedisinske obduksjonane må finansierast, må ein og avklare finansieringa av det sakkundige arbeidet som er etterspurt frå UAG. Vidare må det sikrast allmennt medisinsk kompetanse i UAG.

Innhenting av opplysningar knytt til medikamentbruk:

Rapporten peiker på at ein stor del av trafikkofra er påverka av rusmidlar. Når det gjeld bruk av lovleg forskrevne medikament er det viktig å vere klar over at fullstendig oversyn ligg i Reseptformidlaren (RF), og ikkje hjå fastlegen. Arbeidsgruppa har i sitt lovframlegg ikkje omtalt mulighet for å innhente informasjon direkte frå RF. Legemidlar kan vere foreskrevne frå fleire legar, og henta ut frå fleire apotek. Legen kan og ha skreve resept på eit legemiddel, og journalført dette, utan at pasienten har henta ut medikamentet på apoteket. Gjennom innsyn i RF får ein oversyn over alle utskrevne og uthenta legemiddel frå apotek. Innhenting av informasjon frå RF vil kunne gje verdifull informasjon om kor ofte eit legemiddel er henta ut, t.d. på reiterte reseptar. Vidare om eit legemiddel er henta ut hyppigare frå apotek enn det legen har tilrådd, og om det er samanheng i tid mellom ulukke og uttak av medisinar frå apotek. Dette er informasjon som fastlegen og det einskilte apotek ikkje utan vidare har tilgang til, spesielt når det har gått ei tid etter at pasienten er registrert død. Opplysningar i RF vil etter ei tid også bli sletta (for fastlegen), noko som kan vere eit problem dersom opplysningar vert etterspurt nokre veker eller månader etter eit dødsfall.

Vurdering

Folkehelse: ligg i saka.

Miljø: ikkje relevant.

Økonomi: utan avklaring av finansiering vil kommunen kunne få kostnader knytt til helsepersonell sitt arbeid med utlevering av helseopplysningar.

Framlegg til vedtak:

- Meland kommune støtter i hovudsak arbeidsgruppa sine vurderingar og framlegg om obduksjon av trafikkdrepte.
- Rutinar og finansiering for innhenting av opplysningar frå fastlege og kommunehelsetenesta må klargjerast. Innhenting av uredigerte opplysningar vil ofte vere ufullstendige for formålet. Det må tydeliggjerast at dette er eit sakkundig arbeid med avklart finansiering frå oppdragsgjevar, t.d. etter satsane i Salærforskrifta.
- UAG må ha allmennt medisinsk kompetanse, for dei situasjonar der journalmateriale frå kommunehelsetenesta vert vurdert.

- I lovforslaget bør det leggst opp til at UAG får heimel for innhenting av informasjon frå Reseptformidlaren direkte. Lovgiver må sikre at informasjon i RF vert lagra i tilstrekkeleg tid etter dødsfall.

Utval for levekår - 35/2018

ULK - behandling:

Helsesjef Tord Molltunmyr orienterte.

Framlegg til tilleggstekst i møtet:

Utval for levekår godkjenner følgjande uttale:

Rådmannen sitt framlegg til vedtak med tilleggstekst i møtet vart samrøystes vedteke.

ULK - samrøystes vedtak:

Utval for levekår godkjenner følgjande uttale:

- Meland kommune støtter i hovudsak arbeidsgruppa sine vurderingar og framlegg om obduksjon av trafikkdrepte.
- Rutinar og finansiering for innhenting av opplysningar frå fastlege og kommunehelsetenesta må klargjerast. Innhenting av uredigerte opplysningar vil ofte vere ufullstendige for formålet. Det må tydeliggjerast at dette er eit sakkundig arbeid med avklart finansiering frå oppdragsgjevar, t.d. etter satsane i Salærforskrifta.
- UAG må ha allmennt medisinsk kompetanse, for dei situasjonar der journalmateriale frå kommunehelsetenesta vert vurdert.
- I lovforslaget bør det leggst opp til at UAG får heimel for innhenting av informasjon frå Reseptformidlaren direkte. Lovgiver må sikre at informasjon i RF vert lagra i tilstrekkeleg tid etter dødsfall.

Sakspapir

Saksbehandlar	Arkiv	ArkivsakID
Tord Moltumyr	FE - 000, TI - &13	18/2003

Saksnr	Utvalg	Type	Dato
36/2018	Utval for levekår	PS	04.09.2018

Høyring - Endring i dødsårsaksforskriften

Vedlegg:

Høring - Forslag til endringer i helsepersonelloven § 36 og dødsårsaksregisterforskriften mv
Høringsnotat

Saksopplysningar:

Bakgrunn

Helse- og Omsorgsdepartementet (HOD) har sendt på høyring endring i helsepersonellova og dødsårsaksregisterforskrifta.

Registrering av dødsårsak og innmelding til SSB og politiet, er i dag ei oppgåve for kommuneoverlegen i døds kommunen. Praxis per i dag er at dette går på papir fra legen som syner avdøde. Kommuneoverlegen vurderer meldingane, og videresender til politiet for registrering i skifterett og folkeregister. Det vert no lagt opp til elektroniske meldesystem.

Vurdering

Det er positivt at det no vert lagt opp til elektronisk meldesystem for legane som fyller ut døds meldingane.

Høyringsframlegget er imidlertid uklart når det gjeld kva for ein kommuneoverlege som skal få tilgang til meldingar til dødsårsaksregisteret. Per i dag er det kommuneoverlegen i døds kommunen som får meldinga. Informasjonen er per i dag utlaga for kommuneoverlegen i pasienten sin bukommune. Per i dag har altså bukommunen ikkje moglegheit til å fange opp ein "trend" når det gjeld dødsårsakar. Heller ikkje smittevernloven sitt meldesystem er dekkande for smittsom sjukdom. T.d. vil flere dødsfall grunna influensa eller norovirus ikkje fangast opp gjennom meldesystemet for smittsam sjukdom (msis), som er avgrensa til «allmennfarlig smittsom sjukdom», slik det er definert i forskrift til smittevernlova. Der dødsfall t.d. skjer på sjukehus i nabokommunen fangar bukommunen ikkje dette opp.

Andre trendar knytt til miljøtilhøve vil lettast kunne avdekkast hjå bukommunen. Samstundes vil døds kommunen kunne ha stor interesse av å få oversikt over dødsfall grunna t.d. ulukker, for å kunne vurdere tiltak knytt til spesifikke risikofaktorar.

HOD antyder at endringa vil føre til innsparing i kommunen. Kommunen er ikkje samd i dette. Innføring av nye elektroniske system har og en kostnad for brukarane. Men meirkostnaden må uansett vurderast som svært beskjeden. Lettare tilgang til statistikk vil vere ein fordel for kommunane.

Folkehelse: Ikkje relevant.

Miljø: Ikkje relevant.

Økonomi: Svært lite.

Framlegg til vedtak:

Det er positivt at det no vert lagt opp til elektronisk meldesystem for legane som fyller ut dødsmeldingane.

Det bør leggst opp til eit system der informasjon om dødsårsakar vert tilgjengeleg for kommuneoverlegen i både bukommunen og dødskommunen.

Utval for levekår - 36/2018

ULK - behandling:

Helsesjef Tord Moltumyr orienterte.

Framlegg til tilleggstekst i møtet:

Utval for levekår godkjenner følgjande uttale:

Rådmannen sitt framlegg til vedtak med tilleggstekst i møtet vart samrøystes vedteke.

ULK - samrøystes vedtak:

Utval for levekår godkjenner følgjande uttale:

Det er positivt at det no vert lagt opp til elektronisk meldesystem for legane som fyller ut dødsmeldingane.

Det bør leggst opp til eit system der informasjon om dødsårsakar vert tilgjengeleg for kommuneoverlegen i både bukommunen og dødskommunen.

Sakspapir

Saksbehandlar	Arkiv	ArkivsakID
Helge Kvam	FA - H12	18/2059

Saksnr	Utvalg	Type	Dato
37/2018	Utval for levekår	PS	04.09.2018

Orientering Meland sjukeheim

Saksopplysningar:

Bakgrunn

Utval for levekår ønskjer ei orientering om status ved tenestoområde Meland sjukeheim.

Tenestoområdeleiar Randi R. Minde vil informera, og aktuell presentasjon vert utdelt i møte.

Konklusjon

Tenestoområdeleiar gjev informasjon om drifta ved Meland sjukeheim.

Framlegg til vedtak:

Utval for levekår tek informasjon om drifta ved Meland sjukeheim til vitande.

Utval for levekår - 37/2018

ULK - behandling:

Leiar Meland sjukeheim, Randi Minde orienterte.

ULK - samrøystes vedtak:

Utval for levekår tek informasjon om drifta ved Meland sjukeheim til vitande.

Sakspapir

Saksbehandlar	Arkiv	ArkivsakID
Reidun Elin Johannessen	TI - &00, FA - A20	17/1504

Saksnr	Utvalg	Type	Dato
38/2018	Utval for levekår	PS	04.09.2018
57/2018	Kommunestyret	PS	12.09.2018

Retningsliner for behandling av søknad om skuletilhør etter opplæringslova § 8-1

Vedlegg:

Høyring - Retningsliner for behandling av søknad om skuletilhør § 8-1 i Opplæringslova

Skulekrinsv1 2014

Adresse på skulekrinsar Meland kommune 26.10.2010

Saksopplysningar:

Bakgrunn

Årleg får kommunen fleire søknadar om inntak på annan skule enn nærskulen. Behandling av desse sakene ligg innanfor kommunen sitt sjølvstyre og frie skjønn. Retningsliner skal gi føringar for behandling av søknader og for skjønnsutøvinga. Retningslinene er basert på lovgrunnlag, forarbeid, praksis frå eigen og andre kommunar og behandling av klagesaker.

Vurdering

Folkehelse

Ikkje aktuelt

Miljø

Ikkje aktuelt

Økonomi

I dei sakane der rådmann finn grunnlag for å godkjenne inntak på annan skule enn nærskulen vil kommunen i dei fleste tilfelle måtte dekke utgifter til skyss. Om søknaden er grunngjeven i eleven sine pedagogiske, sosiale og/eller personlege tilhøve, skal skysskostnader dekkast av kommunen. Det vil uavhengig av lengda føre til ekstra skysskostnader for elevar som trengjer særskilt skyss på grunn av funksjonshemming eller mellombels skade eller sjukdom. For elevar i 1. trinn som får inntak på skule i nabokommunen, vil det føre til ekstra kostand for undervisning i tillegg til skyss. Omfanget av dei auka kostnadene vil vere avhengig av vedtak, og må bli ei vurdering i budsjettarbeid kvart år.

Konklusjon

Retningsliner er ein fordel då dei vil gi føringar for behandling av søknader og for skjønnsutøvinga. I enkelte tilfelle vil skysskostnader auke.

Framlegg til vedtak:

Kommunestyret godkjenner retningslinjer for behandling av søknad om skuletilhør etter opplæringslova § 8-1

Utval for levekår - 38/2018**ULK - behandling:**

Skulefagleg rådgjevar Reidun E. Johannessen orienterte.

ULK – samrøystes framlegg til vedtak:

Kommunestyret godkjenner retningslinjer for behandling av søknad om skuletilhør etter opplæringslova § 8-1

Sakspapir

Saksbehandlar	Arkiv	ArkivsakID
Reidun Elin Johannessen	FA - B08	18/1562

Saksnr	Utvalg	Type	Dato
39/2018	Utval for levekår	PS	04.09.2018
	Kommunestyret	PS	
74/2018	Formannskapet	PS	29.08.2018

MOT sitt program "Robust ungdom"

Saksopplysningar:

Bakgrunn

MOT - programmet er vurdert som eit ledd i prosjektet «Trygt og godt skule- og oppvekstmiljø» (sak nummer 35/201). I prosjektmandatet er to av innsatsområda 1) Livsmestring og folkehelse og 2) Skape gode oppvekstmiljø saman. Lindås og Radøy brukar MOT i dag og det vert naturleg at Meland følgjer etter.

MOT er ein ungdoms- og samfunnsbyggjar som styrker ungdom til medvit og mot – til å leve, til å bry seg og til å si nei. MOT sitt viktigaste innsatsområde er MOT sitt program «Robust ungdom». MOT inngår i partnerskap med ungdomsskular, vidaregåande skular og kommunar. Programmet «Robust ungdom» består av 12 økter der målet er å utvikle robust ungdom, som inkluderer alle. MOT-økterne har varierende tema, men MOT sine verdier er ein raud tråd gjennom heile programmet. Programmet vert gjennomført av spesielt rekrutterte menneskjer som er gode på å nå inn til ungdom. Det kan vere ein av skulen sine tilsette eller ein ressursperson i kommunen som har god relasjonskompetanse.

Kommunen er ein viktig bidragsyter og legg til rette for at ungdomsskulane i kommunen er med på MOT-programmet. Dersom minst halvparten av ungdomsskulane i kommunen er med på MOT-programmet, kan også kommunen vere med på «Kommunen som samfunnsbygger». Kommunen forpliktar seg då til å bidra til at ungdomsskulane har MOT-programmet Robust ungdom, dei får moglegheit til å «MOT-utdanne» to i kommunen, og ha ein årleg refleksjonsdag med MOT sentralt. Det vert tilrådd at kommunen brukar MOT som ein del av sin verdiplattform for å nå mål innanfor oppvekst og helse.

MOT sine verdier:

- MOT – til å leve
- MOT – til å bry seg
- MOT – til å si nei

Vurdering

MOT er eit viktig bidrag i kommunen sitt arbeid for ungdom og tiltak mot mobbing på våre

ungdomsskular. Ungdomsskulane i Lindås og Radøy har allereie inngått partnerskap med MOT, og det vert naturleg at Meland følgjer etter. Folkehelse og livsmestring er ein av tre tverrfaglege tema i ny overordna del – verdiar og prinsipp for grunnopplæringa. Programmet vil støtte opp om prosjektet «Trygt og godt skule- og oppvekstmiljø».

Folkehelse

MOT-programmet vert eit tiltak for å betre folkehelsa og livsmestring hos ungdom i kommunen.

Miljø

MOT-programmet er eit tiltak for å skape gode ungdomsmiljø og robuste ungdommar.

Økonomi

Det vert ein årleg kostand på kr. 60.000,-. Prosjekt «Trygt og godt skule- og oppvekstmiljø» vil dekke kostandene i 2019. I tillegg kjem det ein kostnader for vikarutgifter og annan kompensasjon for dei lærarane som skal ha opplæring og gjennomføre programmet i klassane. Desse kostnadene vert tatt opp i dei årlege budsjettprosessane.

Konklusjon

Framlegg til vedtak:

Kommunestyret godkjenner MOT inngår i partnerskap med Meland ungdomsskule og Rossland skule.

Formannskapet - 74/2018

FS - behandling:

Framlegg til vedtak frå Nils Marton Aadland, H:

Saka vert utsett.

Avrøysting:

Utsetjingsframlegget vart samrøystes vedteke.

FS - samrøystes vedtak:

Saka vert utsett.

Utval for levekår - 39/2018

ULK - behandling:

Skulefagleg rådgjevar Reidun E. johannessen orienterte.

ULK – samrøystes framlegg til vedtak:

Kommunestyret godkjenner MOT inngår i partnerskap med Meland ungdomsskule og Rossland skule.

Sakspapir

Saksbehandlar	Arkiv	ArkivsakID
Reidun Elin Johannessen	FA - B08	17/3016

Saksnr	Utvalg	Type	Dato
40/2018	Utval for levekår	PS	04.09.2018

Orientering om prosjektet "Trygt og godt skule- og oppvekstmiljø"

Saksopplysningar:

Bakgrunn

I vedtak frå kommunestyret 29.3.2017 i sak nummer 35/2017 står det:

«(...) Rådmannen blir beden leggje fram sak for Utval for levekår og kommunestyret med konkrete framlegg til tiltak for å hindra mobbing i skulen og at alle barn skal vere trygge på skulen. På ULK-møtet 30. mai skal politikarar og administrasjonen/rektorar drøfte ytterlegare tiltak for å hindre mobbing i skulen og at alle barn skal vere trygge på skulen (workshop). Kommunestyret må få saka til handsaming seinast i møtet 14.06. 2017».

På workshop i Utval for levekår 30. mai 2017 deltok rektorane, helsesyster, psykolog frå PPT, representant frå ungdomsrådet, FAU- representantar, kultur- og ungdomskonsulent, samfunnsutviklar, kommunal barnehageleiar, Utdanningsforbundet, rådgjevar helse og skulefagleg rådgjevar. I tillegg var tre eksterne representantar invitert med, to frå Regionalt kompetansesenter for barn og unge (RKBUE) og PP-leiar/prosjektleiar for «Trygg i Fjell» frå Fjell kommune. Det kom inn til saman 154 innspel.

Kommunestyresak nr. 92/2017 ArkivsakID 17/1349 står det:

«Kommunestyret viser til saksutgreiing og innspel frå workshop i Utval for levekår 30.05.17. Aktuelle tema frå workshop vert å handtere innan tenesteområde sine noverande system. Skuleåret 2017 - 2018 skal skulane prioritere bruk av tid og kunnskap til å realisere dei nye reglane i § 9 a i Opplæringslova om skulemiljø, som er gjeldande frå 01.08.17.

Kommunestyret ber rådmann etablere eit 2-årig prosjekt for perioden 2018 - 2019. Kostnad er estimert til kr. 2 million, og vert fordelt som følgjer per år:

- Kr. 800.000,- til miljøarbeidarstilling (100%). Stillinga skal sikre prosjektleiing, leiing av beredskapsteam mot mobbing, planarbeid og leggje til rette for dialog, nettverksbygging og miljøarbeid i skule- og ungdomsmiljø generelt. Dette arbeidet inkluderer samhandling med frivillige lag og organisasjonar.

- Kr. 200.000,- til rekrutteringsarbeid, kompetanseheving, nettverksbygging og dialogmøter. Prosjektarbeidet skal gje mulighet for å arbeide meir overordna, systematisk, langsiktig og breiare med omsyn til oppvekst- og skulemiljø. Tiltaket kan finansierast ved bruk av disposisjonsfond."

Konklusjon

Prosjektleder, Anette Hesjedal, orienterer om prosjektet «Trygt og godt skule- og oppvekstmiljø»

Framlegg til vedtak:**Utval for levekår - 40/2018****ULK - behandling:**

Skulefagleg rådgjevar Reidun E. Johannessen og prosjektleder Anette Hesjedal orienterte og viste ein powerpoint-presentasjon.

Framlegg til vedtak får Sølvi Knudsen, SP:

Utval for levekår takkar for ein interessant informasjon frå prosjektleder Anette Hesjedal om prosjektet "Trygt og godt oppvekstmiljø".

Avrøysting:

Framlegget frå Sølvi Knudsen vart samrøystes vedteke.

ULK - samrøystes vedtak:

Utval for levekår takkar for ein interessant informasjon frå prosjektleder Anette Hesjedal om prosjektet "Trygt og godt oppvekstmiljø".

Sakspapir

Saksbehandlar	Arkiv	ArkivsakID
Randi Helene Hilland	FE - 033	18/1823

Saksnr	Utvalg	Type	Dato
41/2018	Utval for levekår	PS	04.09.2018

Aktuelle saker

Utval for levekår - 41/2018

ULK - behandling:

Følgjande saker vart tekne opp.

1. Eirik Utne orienterte om nye stillingar innan tenesteområde kultur.
2. Utval for levekår drøfta framdrift TV-aksjonen 2018.
Tema var m.a.: info om aksjonen
 organisering
 bøssebærarar
 nettportal
3. Ørjan Kristiansen, Uavh tok opp spørsmål til vedtekter SFO.
Utvalet ønskjer informasjon om SFO drift/bemannig i Melandskulen i oktobermøtet.
4. Ørjan Kristiansen, Uavh ønskjer informasjon om kriterier/prosedyre for SMS-varsel til innbyggjarar i Meland.
Kan ein nytte SMS-varsel når det gjeld forbod mot bruk av eld eller vatning?

Spørsmål vert oversendt adminstrasjonen.

ULK - samrøystes vedtak:

Orienteringane vert tekne til vitande.